

Zeitschrift: L'ami du patois : trimestriel romand
Band: 31 (2004)
Heft: 126

Artikel: Audiuste Piccâ ao paradi
Autor: Fanfouet dâo Lé / Piccard, Auguste
DOI: <https://doi.org/10.5169/seals-244707>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 15.01.2026

ETH-Bibliothek Zürich, E-Periodica, <https://www.e-periodica.ch>



Pages vaudoises

AUDIUSTE PICCÂ AO PARADI

Vo rassoventide-vo de clli grand professeu, par-
diu on grand vaudois, que s'îre fé à bâti onna
"villa"? 'Na tota balla carrâie eintremî Chex-
bres et Tserdenna dein lo coutset dâo vegnoûblyo,
du yô on nâo vère lo Lëman d'on bet à l'autro.
De lé, pllîe bî, no pouâvein pas lo vère. Adan,
de tein z'à autro no lo reincontrâvein, accompa-
gnî dè sa fenna et sè bouîbo, que sè promenâvant
dein noûtra cotse, à pî, pè lè tsemin, à travè
boû et forâdzo tant qu'à la Tor de Goarze âo bin
contro lo Mont Cheseaux. Clli brâvo professeu îre
on tot suti po fère dâi z'inveinchon. Po lo car-
cû nion pouâve pidâ avoué li, vâyâi grand ein a-
mont tant qu'ein avau.

Adan lâi è vegnâ l'idé de sè fère à fabrequâ on
"ballon", onna pucheinta pètublye, que d'aprî sè
carcû, ye dè vessâi ître capâblye d'arrevâ tant
qu'à la porta dâo paradi! Bin sù que lâi a falyû
bin sè grattâ la tîta et fère onna masse de car-
cû po trovâ avoué quinna matâre la falyâi fabre-
quâ et avoué quinna matâre la falyâi gonclliâ,
et quemeint falyâi fère po lâi atiuva onna "nachal-
la" que dè vessâi pas ître trâo pèsanta et yô
qu'on pouâve adî sè tenî dedein. Adan l'ant fa-
brequâ onna grôcha boûla rionda avoué quauque
bornatse po pouâi vère cein que sè passe dèfro,
doû bantset po s'assetâ et dâi grôchè lenette
dè rapprouitso po guegnî cein qu'on vâi de noû-
tra planèta du lé d'amont.

On bî matin, l'a fé à gonclliâ clli "ballon"
qu'îre amarâ à terra pè dâi solide cordette et
l'è z'u verounâ à l'einto po vèrifiyî se tot îre
à sa potta, et pu, s'è einfattâ dein sta boûla
qu'on lâi di la "nachalla", accompagnî de son
frâre, et, la portetta eintrebètchâ, l'a couman-
dâ dè rontre lè z'amarre. Pas pllîe toû que la
portetta l'îre cllioussa que lè vaitcé partî dein

l'azû, qu'on pouâve pllie lè vère. Mâ... quand ye
sant arrevâ devant la porta dâo paradi, l'îre
cillioussa à tsavon! Irant tot motset du que l'îre
marquâ su lo devant : "STATIONNEMENT INTERDIT"!
Su lo portique d'eintrâie, îre assebin marquâ :
"ALTITUDE 16'000 MÛTRES". Noûtrè doû coo sè
sant grattâ la tîta. Aprî avâi ruminâ on mo-
meint, sè sant de que valyâi mî pas dèrein-
dzî St-Pierro qu'arâi pu lâo dere : "Que fé-
dé-vo per inque avoué sta pouèta matsena, fo-
tè mè lo camp âo diâblyo!" - Su cein, l'ant dè-
cidâ dè dègoncilliâ on bacon lâo pètublye po re-
dècheindre tot pllian su terra yô l'ant ètâ ac-
cilliamâ et honorâ d'îtrè lè premî z'hommo à
montâ asse hiaut dein lo ciè.
L'è que quauque z'annâie pllie tâ que noutron
professeeu l'a ètâ yèttâ et eimportâ pè on pu-
cheint revolein de joran que l'a tsampâ tant
qu'à la porta dâo paradi, yô n'a pas z'u fauta
de serguegnî lo pèclliet du que l'ètâi dzà âo-
verta. Dinse l'a pu lâi eintrâ tot lo drâi sein
couson. Lâi îre tant bin que l'a de : "Salut!
Finî carcû, Lèman, pètublye et promènârdè!"
Fanfouet dâo Lé.

Imitons l'abeille.

D'autant plus qu'elle seule a des ailes. L'a-
raignée n'en a pas. Si la fourmi en a parfois,
elle s'en sert si peu, et les perd si vite. L'a-
beille les conserve et s'en sert. Et c'est si
bon de pouvoir par instant oublier la terre
et s'élever à Dieu. Le travail de l'abeille n'y
perd rien : le nôtre y gagne beaucoup.